



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

De Fide.

urn:nbn:de:hbz:466:1-35748

ARTICVL I FIDEI.

Et cetera spiritualia exercitia executiuntur animis, non confirmatis fiducia Christi. Preterea nec placent Deo opera secunde tabulae, nisi fides accedat, quod propter Christum placeat haec inchoata et imperfecta obediencia. Tertio obscurant opera a Deo mandata, et longe anteferunt humanas traditiones, Has ornant speciosissimis titulis, vocant eas Euangelicam perfectionem, Interim de officijs uocationis, magistratu, coniugio, ita frigide docuerunt, ut multi graues uiri dubitauerint, an haec uitae genera placerent Deo, Itaq; concionatores nostri, bono studio, utrumq; doctrinæ genus illustrauerunt, Proponunt Euangelium de fide, et addunt piam doctrinam de operibus.

DE FIDE.

Primum igitur de fide et iustificatione sic docent, Christus apte complexus est Summa Euangelij, cum Lucæ Ultimo, iubet prædicari in nomine suo pœnitentiam et remissionem peccatorum. Nam Euangelium arguit peccata, et requirit pœnitentiam, et simul offert remissionem peccatorum propter Christum, gratis, non propter nostram dignitatem. Et sicut uniuersalis est pœnitentiæ predicatione, ita et promissio gratiae uniuersalis

salis

PRÆCIPVI.

Salis est, et omnes credere iubet et accipere beneficium Christi, sicut Christus inquit, Venite ad me omnes qui onerati estis. Et Paulus ait, Diues est in omnes et cetera. Quanquam igitur contritio aliqua seu poenitentia, necessaria est, tamen sentiendum est donari nobis remissionem peccatorum, et fieri nos ex iniustis iustos, id est, reconciliatos seu acceptos et filios Dei gratis, propter Christum, non propter dignitatem contritionis aut aliorum operum precedentium aut sequentium, Sed fide hoc beneficium accipiendum est, qua credere nos oportet, quod propter Christum nobis donentur remissio peccatorum et iustificatio. Hæc sententia fermam consolationem perterrefactis mentibus affert. Et quam necessaria sit Ecclesiæ, peritæ conscientiæ facile iudicare possunt. Et nihil habet absurdum, nihil perplexum, nihil Sophisticum. Non est hic opus disputationibus de predestinatione, aut similibus. Nam promissio est uniuersalis, et nihil detrahit operibus, imo exuscitat ad fidem, et uere bona opera. Nam remissio peccatorum transferatur a nostris operibus ad misericordiam, ut sit beneficiū certum, non ut nos nihil agamus, Sed multo magis, ut sciamus, quomodo placeat Deo nostra obedientia in tanta infirmitate nostra. Hanc sententiæ

c. ij

am que

ARTICVL I FIDEI

am, qua & illustratur honos Christi, & pijs mentibus consolatio dulcissima & firmissima proponitur, quæ ueram misericordiae diuinæ cognitionem continet, & ueros cultus, & æternam uitam parit, aspernari ac damnare, plusquam Pharisaica cœcitas est. Olim cum hæc consolatio non proponeatur, multæ pauidæ conscientiæ mederi sibi conabantur operibus, alij configiebant ad monasticā uitam, alij alia opera eligebant, quibus mererentur remissionem peccatorum & iustificationem, Sed nulla est firma consolatio præter hanc doctrinam Euangelij, quæ iubet credere, quod gratis nobis propter Christum donentur remissio peccatorum & iustificatio, Estq; hæc tota doctrina comparata ad uerum illud certamen perterrefactæ conscientiæ.

Sed addemus aliquot testimonia. Paulus Rom.3. Iustificamur gratis, ipsius gratia per redempcionem quæ est in Christo Iesu, quem proposuit Deus propiciatorem, per fidem in sanguine suo.

Rom.4. Ei autem qui non operatur, credit autem in eum qui iustificat impium, reputatur fides eius ad iusticiam.

Ephes.2. Gratia saluati estis per fidem, & hoc

PRÆCIPVI.

hoc non ex uobis, Dei enim donum est, non ex operibus, ne quis glorietur. In his sententijs & similibus diserte docet Paulus, gratis nobis donari remissionem peccatorum & iustificationem, non propter nostrorum operum dignitatem. Et in capite quarto ad Romanos copiose disputat quare hac consolatione nobis opus sit, Si enim promissio penderet ex dignitate nostrorum operum, fieret incerta, Ut igitur aduersus terrores peccati & mortis, habeamus certam & firmam consolationem, & fides consistere possit, necesse est eam sola misericordia niti, & non nostra dignitate, Propterea Paulus inquit, Ideo ex fide secundum gratiam, ut sit firma promissio, Neque enim opponi iudicio Dei possunt opera nostra, iuxta illud, Si iniquitates obseruaueris, quis sustinebit? Ideoque mediator nobis donatus est Christus, Nec transferendus est eius honor in nostra opera.

Cum igitur dicimus, fide iustificamur, non hoc intelligimus, quod iusti simus propter ipsius uirtutis dignitatem, Sed haec est sententia, Consequi nos remissionem peccatorum & imputationem iusticie per misericordiam propter Christum, Verum haec misericordia non potest accipi nisi fide, Et fides hic non tantum historiæ noticiam significat,

c iij sed

ARTICVL I FIDEI

Sed significat credere promissione misericordiae quæ nobis propter mediatorem Christum continet. Et cum hoc modo fides intelligitur de fiducia misericordiae, non dissentunt inter se Iacobus & Paulus. Quod enim inquit Iacobus, Dæmones credunt & contremiscunt, intelligit fidem de noticia historiæ. Hæc non iustificat, Norunt enim historiam etiam impij ac diaboli, Paulus uero cum inquit, Fides reputatur ad iusticiam, &c. loquitur de fiducia misericordiae promissæ propter Christum, Est q; sententia, Homines iustos pronunciari, id est reconciliari, per misericordiam, non propter dignitatem propriam, Sed hanc misericordiam promissam propter Christum, oportet fide accipi, Iam bonas mentes nihil offendet nouitas huius Paulinæ figuræ, Fide iustificamur, Si intelligent proprio de misericordia dici, eamq; ueris & necessarijs laudibus ornari. Quid potest enim esse gratius conscientiae afflictæ ac pauidæ, in ueris doloribus, quam audire, hoc esse mandatum Dei, hanc esse uocem sponsi Christi, ut statuant certo donari remissionem peccatorum seu reconciliationem, non propter nostram dignitatem, sed gratis per misericordiam, propter Christum, ut beneficium sit certum. Significat autem iustificatio in his Pauli sententijs, remissionem

PRÆCIPVI.

missionem peccatorum, seu reconciliationem seu imputationem iusticiæ, hoc est, acceptationem personæ.

Nec afferimus nouum dogma in Ecclesiam. Nam hanc de fide doctrinam scriptura copiose tradit, Et Paulus hunc locum præcipue tractat in aliquot Epistolis, Et docent idem S. Patres. Sic enim inquit Ambrosius De uocatione gentium, Vilesceret redemptio sanguinis Christi, nec misericordia Dei humanorum operum prærogativa succumbet, si iustificatio quæ sit per gratiam, meritis præcedentibus deberetur, ut non munus largientis, sed merces esset operantis. Et multæ sunt integræ, hac de re, apud Augustinum disputationes, Huius hæc sunt uerba. Quandoquidem per legendum ostendit homini infirmitatem suam, ut ad eius misericordiam per fidem confugiens, sanaretur, dictum est enim q[uod] legem & misericordiam in lingua portet, Legem scilicet, qua reos faciat superbos. Misericordiam uero, qua iustificet humiliatos. Iusticia ergo Dei per fidem Iesu Christi in omnes qui credunt &c.

Et Synodus Mileuitana scribit. Nonne satis ostenditur hoc actum esse per legem, ut peccatum cognosceretur, & sic aduersus uictoriam peccati

c iiii ad

ARTICVL I FIDEI

ad diuinam gratiam, quæ in promissionibus propo-
fita est, configureretur, ut ad liberationem quere-
rentur promissiones Dei, hoc est, gratia Dei, &
incipiat esse in homine iusticia, non sua, sed Dei.

DE BONIS OPERIBVS.

Cum necessariam de fide doctrinam & con-
solutionem Ecclesijs proponimus, additur & do-
ctrina de bonis operibus, Quod uidelicet necessa-
ria sit in reconciliatis, obedientia erga legem Dei.
Nam Euangelium concionatur de noua uita, iuxta
illud, Dabo legem meam in cordibus eorum, Hæc
igitur noua uita, debet esse obedientia erga Deum,
Et Euangelium prædicat pœnitentiam, Nec exis-
te fides potest, nisi in his, qui pœnitentiam agunt,
quia fides consolatur corda in contritione & ter-
roribus peccati, sicut Paulus docet, Iustificati fide
pacem habemus, Et de pœnitentia dicit Rom. 6.
Vetus noster homo simul crucifixus est, ut abolea-
tur corpus peccati, ne peccato deinceps seruiamus,
Et Esaias inquit, Vbi habitabit dominus? In spiritu
contrito & humiliato &c.

Secundo, Inter bona opera præcipuum est, &
summus cultus Dei, fides ipsa, & parit multas alias
uirtutes